



ANTARA program dijalankan sepanjang usaha Sifar Sisa di Bazar Ramadan 2025 di ibukota.

11.4 TAN LEBIHAN MAKANAN DISELAMATKAN

Sasar sifar sisa 2040

Oleh Fadhlin Hussein
am@hmetro.com.my

Kuala Lumpur

Sebanyak 11,482.89 kilogram (kg) lebihan makanan dianggarkan bernilai RM139,576.69 berjaya diselamatkan menerusi inisiatif Sifar Sisa di Bazar Ramadan 2025 yang dilaksanakan Dewan Bandaraya Kuala Lumpur (DBKL), sehingga semalam.

Inisiatif ini membabitkan Program MySaveFood dan Program Pengasingan Sisa Makanan bagi memperkasakan pengurusan sisa secara mampan, khu-

susnya sepanjang Ramadan.

DBKL dalam kenyataan semalam berkata, Program MySaveFood dilaksanakan dari 5 Mac hingga hari ini di 12 lokasi terpilih bazar Ramadan sekitar ibu kota bertujuan mengurangkan pembaziran makanan serta memupuk amalan kitar semula dalam kalangan peniaga dan pengunjung bazar.

“DBKL menyasarkan sebanyak 10,000kg lebihan makanan dapat diselamatkan daripada dibuang dan diagihkan kepada golongan yang memerlukan.

“Di samping membantu

mereka yang kurang berkemampuan, pelaksanaan program ini turut memberi impak positif dalam mengurangkan kos pengu- rusan sisa serta menge- lakkan lebihan makanan dihantar ke tapak pelupusan,” katanya.

Menteri di Jabatan Perdana Menteri (Wilayah Persekutuan) Datuk Seri Dr Zaliha Mustafa dan Datuk Bandar Kuala Lumpur, Datuk Dr Maimunah Mohd Sharif turut meninjau inisiatif pelaksanaan inisiatif berkenaan di Bazar Ramadan Jalan Raja Alang, Kampong Bharu, kelmarin.

Menurut DBKL, prog-

ram ini hasil kerjasama strategik antara DBKL, Pertubuhan Pemuda GE- MA Malaysia dan SWCorp serta peniaga.

Sementara itu, katanya, Program Pengasingan Sisa Makanan adalah inisiatif yang membabitkan kerjasama peniaga dan Alam Flora Sdn Bhd untuk mengasingkan sisa makanan agar boleh dikitar semula.

“Objektif program ini adalah mengurangkan jumlah sisa organik yang dihantar ke tapak pelupusan, selaras dengan matlamat DBKL untuk mencapai Sifar Sisa menjelang tahun 2040,” katanya.